

## قالوا حكوا بك قلت وش هم يقولون؟؟

كم واحد حي له الناس يثنون  
ولا توفي قالوا الله يبيحه  
وكم واحد لو هو بالألحاد مدفون  
ذكراه عند الناس بيضا صفيحه  
وكم واحد يجمع ملايين وخزون  
مال تنميه اليدين الشحيه  
لا تشكره رملي ولا فك مديون  
ولا حل مشكلة النطيح ونطيحه  
ولا له على جاره من الفضل ماعون  
لو إن جيرانه تشوف الذبيحه  
وكم واحد جيران بيته يحمدون  
للجار ريف وللجماعه منيحه  
وكم واحد منه العوادي يخافون  
زبن المخيف اللي كثيرن فحيه  
ربعه نهار الضيق فيه يتذرون  
لأجانه فيه لجه وصيحه  
وبعض الرجال بهم شريفيين وعفون  
كلن على ماقال يرجع لكيحه  
وبعض الرجال بضحكهم يستغلون  
يجيبها من نوع زلقه بطيحه  
هذاك بين له من الهرج مدفون  
خله إلا شافك يزين سميحه  
الهرج له نقال والرد للشون  
مزح الجزع يثر بكبدك جريحه  
هذا وأنا ماني من الناس ملسون  
لاشك أرفض من تزايد جميحه  
قلته وكل الناس غيري يقولون  
راع الظليمه لا تباطي مطيحه

مرشد البذال

قالوا حكوا بك قلت وش هم يقولون  
وش قيل فينا يالوجيه الفليحه  
شوفوا مرد الهرج وش هم يطرون  
حتى نعرف مزوره من صحيحه  
كان الكلام من المعادي على هون  
بعض المسبه بالمجالس مديحه  
تجيه عربان من الله يخافون  
عن الظليمه ينصحونه نصيحه  
لو كل خلق الله على الحق يمشون  
كان القلوب من الخطا مستريحه  
كم واحد بعروض الأجواد مفتون  
وهو سلومه يفضحه فضيحه  
وكم واحد يطعن وهو فيه مطعون  
يذم ريح الناس والشين ريحه  
بعض كلام الناس تهमत وضنون  
قول تنميه الوجيه الوقايحه  
الظلم لو فازوا هله مايدومون  
راع الظليمه لا تباطي مطيحه  
والناس هذا الناس من عصر ذالنون  
وكلن على دربه ركابه مشيحه  
مقروء يامن بدل اللون باللون  
بعض الكلام يحرقه عن صحيحه  
والصدق هو والكذب ماهو بمقرون  
كان إنها تدرس بلهجه فصيحه  
مايمدح الرجال بالشكل واللون  
إبحث معه لينك تعرف القريحه  
تراك تعرف عنه وأنتم تهرجون  
يبين لك من كل جود نضيحه  
المستريح اللي من الشك مامون  
مع كل خلق الله علومه مليحه

